

Ms. VI.

48,652.

HISTORIA SACRA, *Inde ab exordio Mundi ad natum*

CHRISTUM,

Ex Sacris literis , & fide dignis , qui
extant , auctoribus , chronologicè concinnata , &
publicæ luci commissa ,


In Regia Gustaviano - Carolina ad
Emmam Academia

ab
OLAO MOBERGIO,
S. Theologiæ ibidem Professore.

Intervalum primum ab orbe condito addiluvium
usque , publicè respondendo tuebitur

LAURENTIUS SALVIUS
Sudermannus ,
S. Theol. Studioſus , & S. R. M.^{ts}
Alumnus ,

In Auditorio maximo addiem VI. Februarii ,
A. C. M. DCXCHII.



DORP ATI ,
Excudit JOHANNES BRENDEKEN ,
Acad. Typograph.

A5074.3.

HISTORIA SACRA
CHRISTI

Ex scriptis patrum & apud quae dicitur, de
exempli significatis, chronologis & geographis,
supponit facta coniunctio.

In Hebreo 10. 1. Calvini ea

Est. 14057

OIA MOTHERGIO.

T. PEGOLOGIS PEGOLOGIS PROLEGORIE.

convenit ut o. de coniunctio scripturarum
scripturarum & scripturarum scripturarum

LAURENCEUS CALVINI

Scripturarum scripturarum

scripturarum scripturarum

scripturarum scripturarum

scripturarum scripturarum scripturarum
AC MDCCLXII

JOHN

Exempli significatis Brandenburgi
AC G. B. 1710



בשָׁעַלְיָן

§. I.

Si Historia quoquo modo

scripta delectat, telle Plinio, quanto magis
Sacra, quæ nos accuratè instruit de Divina voluntate;
hominū variorum sorte, religionis vicissitudinibus,
& fatis, imprimis verò Ecclesiæ Catholicæ indole;
cujus quidem *ornamenta interna*, cum primis
fidem nos aestimare docet Scriptura; admirabilem
verò Reipublicæ Ecclesiasticæ, in toto orbe ter-
rarum, per *varios casus*, per *tot discrimina rerum*,
progressum, nos cognoscere facit Historia Sacra,
cui jungenda Chronologia tanquam oculus tem-
porum, ut perspiciatur quando quid in Ecclesia
sit gestum.

Lib. 5. E.
pift. 8.

§. II.

Dicitur autem Historia *anē tū iōnθai*, quod
est scire, cognoscere. Nempe ejusdem originis
sunt *ιστορίων*, & *τισώς*, unde *ιστορία*, & hinc verbum

Vid. Gen-
rard Joan.
Vossius de
natura bi-
logie porie c. 1.
p. 2.

A.2

quod spectare & cognoscere significat. Plato quidem in Cratylo deditur *neq; n; icārū l; v e; v;*, quod fluxionem, hoc est, fluentem & quasi fluentem antiquitatem sistat, non malè quoad sensum, quia historia est liber viventium, & tuba, quā mortui revocantur ad vitam ait Nicetas. Et nuncia vetustatis, ut loquitur Cicero. Quibus consentit Plinius, ut historiam scriberet, rogatus: *Mibi pulchrum imprimis videtur non pati occidere, quib; eternitas debeatur.* Sed docti haud ignorant, quid de Platonis Cratylo sit statuendum; Quemadmodum & de Varronis originibus, qui sāpē in suis de L. L. libris prudens sciens fallit, falliturque.

§. III.

Historia strictè quandoque accipitur, ut iis solum conveniat, quorum quis fuerit *ut; o; f; n;* qualis est Historia Sacra in veteri Testamento, de exi-
tu Israëlitarum ex Aegypto, de peregrinatione eo-
rundem in deserto, de possessione terræ Sanctæ, &
aliis consimilibus, ab *av; i; m; a; c;* & tamen *ino; m; e; u; a; r; @; a; y; s; D; e; c; o; n; e; v; o; i; c;* literis consignata. Evangelica in Novo Testamento Evangelistis ab *av; i; m; a; n;* tra-
dita *Luc. 1. 2.* hoc est, ab illis, qui à Deo peculiari-
ter delecti fuerunt testes *A; c; t. 1. 8. & cap. 10. 14.*
ut ab initio ministerii Christi essent *av; i; m; a; n; r; g; i; a; v; i; n; o; s*, spectatores & præsentes auditores eorum,
quæ Christus cœpit facere & docere.

Gerard.
Joan. Vos.
fus de Nat.
Hist. c. I.
pag. 50

Historia latè accipitur, pro quavis rerum ge-
storum, etiam ab ætatis nostræ memoria remota-
rum, notitia & narratione, & sic differunt Historia & Annales, ut Genus & Species, Annales,
enim

enim omnes sunt historiæ, at non omnes hi-
storiæ sunt annales. Erat enim historia olim
nihil aliud nisi annalium confessio, inquit
Cicero. Historia, quæ temporum, quibus
res gestæ sunt, notationem simul cum rerum nar-
ratione interserit, ita latè patet, ut haud immer-
tò Historia Chronologica audiat.

Lib. 2. de
Orat.

Pag. m.
96.

§. IV.

Historia meritò vocatur aliás testis tempo-
rum, Lux veritatis, vita memoriae, Magistra vi-
tae, nuncia veritatis, Archivum negotiorum Ec-
clesiasticorum & Civilium, orchestra omnis gene-
ris spectaculorum, seriorum, & iudiciorum, læ-
torum & tristium, cum vivis tām actionum, quām
personarum simulacris; Momenta temporum, lo-
corum, hominum, gestarumque rerum. Quod
Historia sit testis temporum, id ipsa res loquitur,
& testatur Cicero lib. 2. de Orat. Quodque Chro-
nologia vice versa anima sit Historiarum, sine
qua fabulis, quam historiis, similiores sunt, docet
Johannes Jacobus Heinlinus in Chronologia Hi-
storica.

Gerard.
Joan. Voss.
de Nat. H.
c. 4. pag.
15.

§. V.

Historia est cognitio singularium, quorum
memoriam conservari utile est, ad benē beatē-
que vivendum. In Universali Historia singul.,
res cognoscere, & memorare, æquē necessum est,
atque in particulari, nam notitia nostra non est
ex omni parte intuitiva, nec conducit in hoc scien-
tiae genere, per abstractiones, & communitatem
entium

entium acquirere notitiam rerum gestarum qualemcumque universalem, & generalem, ut in Metaphysicis, & quibusdam Mathesios partibus fieri operæ pretium est, sed singula, quorum memoria ad bene beatèque vivendum facit, narranda & ponderanda sunt.

Historia verò Chronologica Sacra, est rerum, suis, quibus in Ecclesia Dei potissimum gestæ sunt, temporibus, alligatarum Narratio.

§. VI.

Historia Chronologica Sacra, quam nunc contexere constituimus, gemina est, una Veteris, Novi Testamenti altera. Historia Veteris Testamenti ab initio mundi incipiens, per spacium trium millium, nongentorum quadraginta & septem annorum, juxta usitatissimum scaligeri calculum, ad Christum natum decurrit. At juxta aliorum, quos nos sequimur, calculum. 4007.

Hæc autem Historia rerum omnium, & generis nostri primordia, ejusque & ante, & post diluvium propagationem, singulariter populi Judæi originem, incrementa, admirabilem ex Ægypto liberationem, Rempublicam à Deo ipso constitutam, in primis autem revelationes divinas, Patriarchis, & Prophetis ab initio mundi, partim de aliis, partim, & potissimum, de generis humani Restauratore in mundum mittendo, factas, & Sacra denique, ac totum divinum cultum Synagogæ per Mosen institutum, & multis editis miraculis confirmatum, describit. Et tota quidem illa

A. M.
3677.

illa usque ad Monarchiam Græcorum à Prophetis ipsis, aut viris Propheticum spiritum habentibus, perscripta, & Sacris seu Canonis libris comprehensa est; cum Nehemias liber circa initia illius Monarchiæ finiatur. Quæ autem portio ibi deest, parva sanè, ea ex duobus libris Maccabæorum, & Josephi antiquitatibus petenda est. Quin & numerum octavæ seu ultimæ Epochæ à soluta captivitate usque ad natum Servatorem, cumjam tum desierint libri Canonici, & scripta Prophetarum, cogimur ex Prophanis historiis colligere. Singulari autem Dei providentia factum esse videtur, quod anni singulorum imperatorum, ibi, quam alias, accuratius annotentur in prophanis scriptoribus, Herodoto, Dionysio Halicarnasseo, Diodoro siculo, & aliis, à quibus secundæ Monarchiæ 200. circiter anni adlignantur, Tertiæ 280. Julio Cæsari 6. & Augusto 56. cujus anno 41. exente natus est Salvator.

Sed cum nihil sit in Historia, pura & illustri brevitate dulcius, proinde quod Chorographi per stadiasmos, ut loquitur Josephus Scaliger, ab urbe una ad aliam faciunt, idem nobis faciendum per annos, ab intervallo ad intervallum. Ea intervalla Græci vocant, quod illis fstantur, & terminentur mensuræ temporum. In octo vero talia intervalla, totum vetus Testamentum ab exordio mundi, ad natum Christum commodè distribui potest, quorum primum ab anno mundi primo, ad diluvii tempus est annorum - 1656. Secundum à diluvio ad nativitatem Abrahami 352. Tertium à nato Abrahamo usque ad ejus ingressum in terram Cananæam. - 75
Quar-

Quartum ab ingressu Abrahami in Canaanam terram ad exitum Israëlitarum ex Aegypto	- - - -	430.
Quintum ab exitu Israëlitarum ex Aegypto usque ad ædificationem Templi, & quartum annum regni Salomonis	- - -	480.
Sextum à cœpta ædificatione templi ad captivitatem Babyloniam	- - -	417.
Septimum anni videlicet ipsius captivitatis Babylonicae	- - -	70.
Octavum à soluta captivitate usque ad nativitatem Jesu Christi æterni Dei Filii	-	527.

§. VII.

Certitudo intervalli primi, quod nimur inter primordium mundi & diluvium est, ex Epilogis mis annorum, quibus Patriarchæ illi antediluviani filios genuisse dicuntur Gen. 5. adstruitur. Ab anno mundi, & Adami primo, ad nativitatem Sethi effluxerunt anni

Enosi	- -	105.
Kenani	- -	90.
Mahalaëli	- -	70.

Hinc ad nativitatem Jaredi	- -	65.
Enochi	- -	162.
Mathusalachi	- -	65.
Lamechi	- -	187.
Noachi	- -	182.

Ad nativitatem Semi, Chami, & Japheti	-	500.
Et vixit adhuc annos fere	- -	100.
Usque ad diluvium. Noach enim fuit sexcentorum annorum, quando diluvii aquæ inundaverunt terram Gen. 6. 7. Sed bene dixerim ipsum Noachum		

Noachum vixisse adhuc annos ferè centum à nativitate filiorum semi, Chami & Iapheti usque ad Diluvium, nam ipso anno sexcentesimo vitæ Noachi, mense secundo, decimo septimo die Mensis, cœpit diluvium, ut refert Moses Gen. 7. 11. hoc est, Anno Mundi 1656. ineunte. Annus igitur Diluvii annumeratur 600. illis annis Noachi. De 500. annis Noachi cum gignere cœpit, quidam 20. annos detrahendosputant, ideo quod eo tempore centum tantum anni restarent ad diluvii annum, cùm tamen c. 6. 3. Deus promittat tempus agendæ pœnitentiae 120. annorum, poni tamen hic numerum 500. pro. 480. Sed valde incerta redderetur Sacra Chronologia, si hoc modo annos Patriarcharum interpretari liceret. Statuimus itaque hanc de ætate Noachi, cum filios gignere inciperet, commemorationem per anticipationem quandam huic loco, ubi series Patriarcharum traditur, insertam esse, & Japhetum Noachi primogenitum 20. demum anno post denunciationem illam de 120. annorum tolerantia natum esse, & ideo cap. 6. 10. tanquam in proprio loco iterum agit de filiorum ejus propagatione.

§. VIII.

Sed, ne ambagiosi videamur, ad res in Ecclesia Dei, suis, quibus gestæ sunt, temporibus alligatas, properemus.

Ad Cardinale aliquod punctum in sphæra cœlesti initium mundi referendum est, qualia sunt duo solstitia, & duo æquinoctia. Ad solstitiorum tempus mundi creationem retulisse vix quisquam

B

Tert. Chron.
Sac. p. m.
9.

Gen. 9. 30.

repe-

reperitur, præter Gerhardum Mercatorem, qui initio Chronologiæ suæ asserit, Mundum tempore æstivo esse creatum, sed omnes ferè ad alterutrum æquinoctium. Vernali tempore mundum conditum esse, multi adeo arbitrantur, quod eo anni tempore omnia germinent, quæ contra in autumno marcescunt. Cum itaque jusserit Deus, ut tum terra germinaret, verisimile putant, verno tempore mundum conditum esse. Aliitamen, & rectius, ad autumnale æquinoctium creationis tempus referunt, quæ sententia sequentibus confirmatur argumentis. Primum petitur ex c. 23. Exodi, ubi dicitur v. 16. festum collectionis frugum celebrari debere בצאת הַשָּׁנָה in exitu anni. At festum illud celebratur in autumno. II. Idem assertur Exod. 34. 22. ubi festum collectionis celebrari jubebatur in תְּבִשֵּׂת הַשָּׁנָה in revolutione anni. III. Sumitur ex anno Jubilæo, ejus initium non in vere erat, sed circa æquinoctium autumnale, ut legitur Lev. 25. 9. & sicut in creatione nox diem, ita & in anno hyems æstatem antevertit. IV. Petitur ex mensium numeratione, quorum primus ante exitum quidem Israëlitarum ex Ægypto erat Tisri, imò, etiam post exitum, & in hunc usque diem, quod ad negotiations, & res politicas attinet, primo anni mense à Judæis habetur. Confirmat id Chaldæus Paraphrastes in I. Reg. 8. 2. ubi dicitur Israëlitas congregatos fuisse ad Regem Salomonem in mense Ætanum, in die festo, iste est mensis septimus, ad quæ paraphrastes addit, qui antiquitus ante exodus dicebatur primus. Mensis ergo Ætanum, alias Tisri dictus, ante exitum erat primus mensis anni. Idemque confirmatur V. ex

historia

historia diluvii, quod cœpit, referente Mose, decimo septimo die Mensis secundi, h. e. Mensis Cisleu, qui incidit in nostrum Novembrem. Et sic annus est vel Ecclesiasticus vel Politicus. Ecclesiastici, seu sacri initium est æquinoctium vernum, sub quod Ægypto sunt egressi Israëlitæ, mense Nisan: Et quidem novilunium ipsi æquinoctio proximum, sive præcedat, sive sequatur, sive in illud incidat. Sed anni politici initium æquinoctium autumnale.

§. IX.

Creatum igitur fuisse mundum 23. Octobris, uti censem Georgius Hornius, Jacobus Usserius, & alii, statueremus libenter, nisi constaret, temporum vicissitudines proprie dictas non fuisse, antequam sol, luna & astra, quæ in signa tempestates, dies & annos sunt data, extiterunt. Cum ergo hæ quatuor anni partes Naturæ sint ordinariae, & continuantis, non inchoantis, & imperfectæ, necessum est, ut quæstionem de certo mundi creationis puncto, aut ἀπεστράτεων, aut proleptice intelligendam esse, aut, quod est ad fidem pronius, primum creationis punctum, nec vernum, nec autumnale, sed ὄτονοικόν, & dispensationis divinæ nuncupandum censeamus. Dies solis omnium primus fuit, qui à vespere cœpit, unde Moses à vespere, hoc est, à primo temporis puncto, vel creationis principio initium factum dicit, in matutino autem tempore, dum tenebræ, absoluto cursu, rediverunt, finem ponit, hinc & Judæi à vespere, seu sole occidente dies suos naturales numerant, sicuti nos à sole oriente, quem morem ῥυθμεόν inchoandi ab ipso Adamo, & Patriarchis accepisse videntur. Hoc i-

Pid. Job.
Henr. Hor-
ting. Hil.
Crest. p. m.
II. 5 11.

psa die primo una cum Cœlo, quod Empyreum vocant, & beatorum sedem, etiam Angelos creatos, communis est interpretum sententia, concilio Lateranensi sub Innocentio III. Pontifice asserta, quæ sententia probari potest ex isto Jobi, *ubi eras, cum me laudarent astra matutina, & jubilarent omnes filii Dei.* Non autem placuit Mosis Angelorum creationem exprimere, descriptione creaturarum visibilium contento. Imò, eodem die principia omnium rerum esse condita docent Christiani quidam & Judæi, qui per *תְּהִוָּתְךָ* materiam & formam intelligunt.

Secundo die Dei jussu factum est *seculua*, Latinis firmamentum, sic dictum, non propter materiae soliditatem, aut duritatem, quasi glaciei instar esset concretum & condensatum, sed propter stabilitatem, & firmam permanentiam in suo esse, quia corruptionibus, & alterationibus non ita est obnoxium. In opere secundi diei, non habetur in Hebreo textu approbatio illa Dei: *Et vidit Deus quod es set bonum.* Unde ajunt Rabbini secundo die Gehennam esse conditam, quâ Deus per se non delectatur. Non nulli Christianorum, angelos tunc lapos esse opiniantur. Lutherus dicit tutius esse talia non inquirere, quæ illæsa salute possumus ignorare. Alias clausula generalis in fine capitulis additur: *vidit Deus cuncta, que fecerat esse valde bona.*

Tertio die non tantum aquas in unum locum, hoc est, in Oceanum congregatas, unde recte veteres docent omnia flumina omnesque aquarum confluxus in Oceanum relabi (idem de mari Caspio observatum est quod etsi separatum omnino videatur,

deatur, per meatus tamen subterraneos Oceanum arctico unitur, unde & salsum esse tradunt). Sed & Paradisum conditum esse quidam statuunt, ne post sex dierum opus, nova creatio Deo adscribatur.

Opera reliqua singula, singulis diebus facta recenset Vir ille DEI, & fidelis servus Moses in Bibliorum frontispicio. Illustri autem hoc domicilio sexto die perfecto, hominem demum, qui tot bonis frui deberet, condidit Deus, ex pulvere terræ, inspirata anima vivente, atque immortali; vocem autem singularem — *N* sequitur verbum plurale dominantur, quia Moses complecti voluit utrumque sexum, & omnibus Adami posteris hanc felicitatem, si bonorum suorum memores in statu integro permanissent, fore communem, adeoq; ad seros nepotes propagandam. Mulierem deinde ex costa viri formavit. Conjugium inter eos instituit, dominium orbis, & omnium animalium, quibus etiam Adamus, jubente Deo, nomina imposuerat, attribuit.

Eodem die, nimirum sexto, præceptum illud de vitando fructu arboris scientiae boni, & mali, quod reservatae supremæ potestatis indicium foret, à Deo datum est, quod, proh dolor! parentes nostri primi instinctu Diaboli nefariè violavere, & propterea imagine illa Divina, quæ fuit lux intellectu, bonitas in voluntate, & conformitas in appetitu, turpiter exuti sunt.

§. X.

Quam diu autem in statu integratatis manserint,
B3

rint, certò quidem sciri non potest, probabile tamen judicant Theologi magni, quod die illa recurrente in proxima à sui creatione septimana, & lapsus, & ejectus sit Adamus, hoc est, die 13. à primo creationis initio. Quo pacto etiam non nulli explicant Patrum plerorumque sententiam, quod nempè eadem quidem septimanæ die, qua conditus Adam est, lapsus ipse sit, & expulsus, quod ex reparationis synchronismo colligi potest. Christus fuit feria sexta conceptus, eadem die in cruce mortuus. Hinc probabile est eadem die, non numero, sed in hebdomadali ordine, fuisse ejectum Adamum, quo in paradisum erat introductus. Juxta illud vulgatum: ἡ ἡμέρα ἐπλάση, καὶ ἔξελαθῃ. sed hic cum Cedreno merito concludimus: non ulterius inquirenda sunt, quæ Spiritus Sanctus in divinitus inspiratis libris reticuit, ne loco exigui luxuri, magnum nobis accersamus damnum; Intervallum probatissimi quique Interpretes exiguum intervallum integritatis statui concedunt.

Cæterum, non possumus non læta memoria repetere, quod Divina Majestas omnes tres ordines, seu Hierarchias, quibus omnis nostra consumitur ætas, in ipso Paradiſo ordinavit, ut quocunque in vitæ statu inveniaris, DEO illum non displicere intelligas. Nam Ecclesiasticum statum instituit Deus, cum Adamum sui constituebat cultorem, &c, lege de fructu ligni scientiæ boni & malitando lata, Ecclesiam ordinabat, ad quam Adam cum posteritate sua, die Sabbatho convenisset, & post refectionem ex arbore vitæ, prædicasset Deum, & laudasset eum, donec statutum tempus implementum esset, quo esset translatus in cœlum, cum sum-

ma

ma svavitate. Oeconomicum Sanxit, cum, mutui auxilii, & propagandi generis humani causa, Conjugio instituto, cultum horti pulcherrimi homini injungebat. Politicus tandem status est fundatus, cum primi Parentes, terræ, & omnibus, quæ in ea sunt, imperare Jubeantur. Etsi enim Politias esse remedium corruptæ naturæ, quo constringatur cupiditas legum vinculis, & pœnis, ne libere vagetur, cum Lutherò libenter fatemur, nec in superbis urbium munitarum substructionibus, quarum causa prima terror, & metus aberat, sed in liberrima vitæ beatæ statione dictamen rationis fuisse observandum ultrò largimur, regendam tamen fuisse societatem hominum imperio blandissimo, nemo inficiabitur. Domicilia scilicet propria, & distincta dominia, in distinctis familiis per universum Orbem fuissent futura. Ideoque ipse Adamus sapientia cœlesti adhuc plenus, fatidico spiritu de futuris vaticinatus, prædictis, relicturum virum Parentes, & uxori adhæsurum.

§. XI.

Expulsis autem è Paradiſo Parentibus primis, Cherubim Angeli boni custodiæ Paradiſi ad tempus certum sunt præfecti, qui Protoplastis regresfuris in Paradiſum, flammis fulgureis, ceu gladiis hinc inde vibratis terrorem incuterent. Ceterum B. Lutherus censet custodiā hanc mansisse usque ad diluvium, ut extaret certum memoriale ad omnem posteritatem, tam miseri & calamitosi lapsus, ut postea locus Sodomorum.

Porrò, eo ipso die, quo lapsi sunt homines, gratiæ

gratiæ divinæ promissione , & primi Evangelii de benedicto semine Mulieris promulgatione erexit sunt. Quod Prot-Evangelium è sinu Patris æterni prolatum in Scriptis Mosaicis , instar gemmæ pretiosissimæ , imò, in toto codice Sacro , instar stellæ fulgentissimæ in firmamento cœli gratia radiat , & coruscat: ac fons , & scaturigo est omnium promissionum divinarum , utpote quæ omnes in semine mulieris benedicto *vai nqj auñ* sunt. Sed ut ut à damnatione liberati parentes primi , adhæsit tamen ipsis lues illa originalis , & extra Paradisum , & quidem in agro Damasceno , ut Epiphanius opinatur , vixerunt. Interim genuit Adamus liberos ad imaginem suam , scilicet miseros peccato inquinatos , pœnisque peccati obnoxios , ex illis Moses tres nominat Cainum , Abelum & Se-thum. Philo Judæus præter eos numerat XII. Adami filios , & IX. filias. Commestor XXX. liberorum paria primo Parenti nata esse dicit , & Caini uxorem , itidem Adami filiam , nominat Calmanam , Sethi Delboram , qua autoritate ipse videtur.

Non exigua Pater optimus , fraude Satanae sede felicitatis destitutus , sensit ærumnas. Alter enim filiorum Cain , primogenitus & agricola , Abelum fratrem , quod Sacrificia ejus DEO acceptiora vidisset , in agro peremit , seque hoc ipso facinore consortio Dei , & Parentum indignum fecit , & omnem suam posteritatem à vero numinis æterni cultu abstractam , secum in Nod terram Orientalem , facie Dei privatam , in perpetuum abduxit exitium: ipsamque DEI Ecclesiam tandem in partes suas solicitatam , ad nullum ferè numerum redigerunt

degerunt Cainitæ. Nato enim Hanicho , h. e. in lumen edito , uti Cain opinabatur , auspicati initii filio , ædificavit Cain civitatem , quam in memoriam sui filii Hanochiam adpellavit. Et Lamechus Caini abnepos Mathusaèle Patre natus , impietatis avitæ hæres , & æmulus , conjugium ipsum generis humani fontem maculare exorsus est , duas uxores dicens , contra conjugii primævi institutionem , haud absurdum ratus , si hoc pacto , alteros piorum cœtus numero filiorum superaret , ac mundi possessionem ad se traheret. Eius filius Jabal à preventibus sic dictus Hebræis , rationem multiplicandorum pecorum , & jumentorum monstravit mortalibus , Jubal à Cornibus arietinis nominatus , cornibus animalium , & intestinis ad lætitiam , & bella uti docuit. Tubalcain , quem gentiles Vulcanum vocant , ferramentorum & armorum fabricandorum artem primus adinvenit. Quamquam & Adamo potius hæc claus debetur , quod artium principia posteris suis commonstrarre potuerit , ipse scilicet à Deo doctus. Lamechi autem filii excoluerunt istas artes , & ad voluptatem mojorem , & ad usum quandam nostrum traduxerunt mali isti , qui piis semper solent esse solertiares.

Lamechus tali prole elatus cædibus grassari non dubitavit. Nam inter Ecclesiam veram , & Cainiticam antipathia quædam fuit. Lamechus autem Cainiticæ Ecclesiae primarium membrum , duos diversæ ætatis pios homines , Prophetam forte quempiam , & ejus filium , à quibus ob dissolitos mores redargui potuit (quod tamen non afferimus , sed ponimus) occiderat , unde vereri poterant uxores , ne pœna homicidii in ipsis , tamque

tamque familiam redundaret, proinde eas hunc in modum alloquitur: Audite uxores Lamechi, virum quidem occidi, & adolescentem, sed quid hoc ad vos? ego in caput meum securè recipio, si quid est periculi. Quamquam vobis affirmo, nihil planè hic periculi esse; Quod si occisor Caini Atavi mei fratricidæ septuplo atrocius peribit, quid ei expectandum putabis, qui me occidere fuerit ausus, qui non fratrem, sed duos alienæ familiæ homunciones, nec injuria, utpote gloriæ meæ invidentes, & me verbis molestis laceffentes interemi? Ita Lamechus impius gloriatur in malitia, & prophanum captatjocum ex numeri Paronomasia & privilegio, quod Caino concederat DEUS, velut ipsi Deo illusurus, quasi ipse homicidarum Patronus esset.

A. M. 130. Interim pro Abele occiso, & Caino tanquam mortuo, aliud Deus substituit Adamo semen, nimirum filium Sethum, qui anno ætatis suæ 105. genuit Enosch, à miseria, & ægritudine sic dictum, quo nomine innuere videtur Seth persecutionem aliquam singularem Ecclesiæ istius temporis, siquidem nomina illa non fortuita æstimanda sint, sed aut Prophetica, vel ominis boni, aut ab eventu sumpta sint, ac statum Ecclesiæ respiciant. Eo tempore cœpit verbum Dei prædicari, & Ecclesia per Sethum restaurari. Inde, Seth & posteri illius cœperunt denominare se à Jehovah, videlicet cultores Jehovahæ, seu filios Jehovahæ, sic enim infra à Mose appellantur filii Dei. Anno ætatis suæ, & mundi 930. mortuus est Adamus omnium hominum primus, & fama est eum in monte Calvariae, ubi Christus crucifixus est, sepultum esse, in tumulo quodam à Noacho facto, qui etiam perhibetur ejus ossa in arca conservasse. Quidam

dam eum in monte Calvariae quidem sepultum, sed inde Hebronem translatum referunt.

§. XII.

Sicut Henoch initium benedictionis temporalis fuit in generatione Cainitica, ita postea in generatione piorum initium, sub quo iterum incepit florere religio & benedictio spiritualis, fuit Henochus septimus ab Adamo, natus anno mundi 622. Patre Jaredo de Sethi familia, vir pietate gravis, qui cum in terris 365. annos vixisset, & coram DEO ambulasset, i. e. verum Dei cultum strenue promovisset, nec non scelera hominum serio redarguisset, à Deo A. 57. post Adami mortem, in cœlum est translatus, ne ex communi mortis legę somniare pergerent mali, nihil inter se Deique filios interesset, quod unifato utriusque deberentur, quin potius per ejus vitam migrationemque pateret nimium eos falli, qui in hujus mundi cœno spem universam defigunt, æternitatis cogitatione ex animis plane deleta. Translatus autem est Enoch in cœlum beatorum, quia piorum alias non est terminus. De modo translationis, de loco, statu, & redditu ejus ante extremum judicium, malum tacere, & beatitudinem ejus simpliciter asserere, quam cum Rabbinis, & aliis quibusdam de Paradiſo terreno, & ejusmodi quæſtionibus nugari. Interim coniicimus Henochum fuisse quodammodo immutatum, qualiter illi immutabuntur, quos dies extremus vivos deprehendet.

Libellos, qui olim sub nomine Henochi inter Judæos, & Christianos quosdam primitivæ Ecclesiæ circumferebantur, confictos & impios fuisse, legi

gi potest apud Salian. & Scalig. qui etiam fragmen-
ta quædam ex illis refert in notis ad Eusebium pag.
244.

§. XIII.

Mortuo Adamo A. M. 930. sublato in cœlum
Henocho A. M. 987. denato etiam Setho, A. M. 1042.
insignis inter eos Adami posteros, qui ob pietatem
& fidem, filii DEi vocabantur Gen. 6. 2. depravatio
invaluit. Filii enim Patriarcharum in illa terra
habitantes, ubi facies Domini illustre suæ præsen-
tiæ testimonium exhibuit, libidine cum filiabus
Cainitarum nefaria, & cestuoso connubio com-
mixti, progenuere homines impiissimos, à scri-
ptura vocatos Nephilim, & gigantes, qui veritate
& natura oppugnata, ipsi Deo, quasi mole facta,
bella moverunt, injuriam pro innocentia, proprie-
tate Numinis contemptum habentes.

§. XIV.

Sed non desisterunt Sancti Patriarchæ, impri-
mis filius Henochi Mathusalem extremi mundi an-
tediluviani casum diutissim vivendo penè affec-
tus, Patris sui exemplum omnibus posteris, pro-
efficacissimo ad pietatem spectaculo, jugiter me-
moravit Gen. 5. 27. Et Noachus Lamechi Sethitæ
filius natus est anno Mundi 1056. Lamechi paren-
tis 182. Mathusalæ avi 369. abavi Jaredi 596. atavi
Mahalaëlis 661. tritavi Kenanis 731. Et Enoch 821.
post excessum Adami 126. Translationem Enochii
69. & obitum Sethi 14. anno: ut ita, tribus hisce ex-
ceptis, cæteri Patriarchæ omnes, è nativitate Noachi
lætitiam

lætitiam ceperint, & refectionem speraverint in ter-
ra, divinis iris obnoxia. Quin & Noachus usque
ad annum ætatis 500. conjugio abstinuit, vitamque
planè divinam in confertiſſia improborum ho-
minum multitudine constatissimè egit; Nam
Cainitæ nihil Henochi exemplo meliores, subinde
in deterius defecerunt, totique jam rapinis foedi-
que voluptatibus dediti, totius orbis dominium
quocunque modo sibi vindicare non cessabant.
Tempore namque Lamechi homines magis ma-
gisque reddebat detiores, ita ut pii etiam ob-
servaverint, singularem à Deo mundo immisum
iri pœnam, qua fortè periret totus mundus. Et
sanè in insignem temptationem pii incidere poterant:
quando videbant Messiam nondum venisse, & co-
gitabant mundum totum interiturum. Nam si fi-
nis mundi adveniat, & Messias emaneat, vanam es-
se omnem piorum fidem & spem, totum mundum
temporaliter, tum in æternum, periturum, ne piis
quidem exceptis: cum siue Messia, seu Redemptore
impossibile sit quemque hominum salvare. Hæc
tentatio plane ad desperationem omnes pios adi-
gere potuisset; itaque Deus Providentissimus &
Sapientissimus voluit remedium, contra tantam
temptationem in tempore, & sub ipsius Noachi natu-
ritatem, quæ incidit in annum M. 1056. dare piis,
edita hac per impositionem nominis ejus Propheta-
tia, quod omnino Messias venturus esset, & qui-
dem nascendus ex semine & posteritate hujus pue-
ri Noachi; Dum enim, licet totum mundum di-
luvio deleturus sit, servaturum tamen Noachum
cum familia ejus, ex qua nascendus sit Messias, ut
adeo Messias venturus sit, consolator omnium,
hominum, maximè piorum, ut his non sit despe-
randum,

Sebast.
Schmid.
coll. Biblio.
p. 162.

randum, q. d. Lamechus; Hic filiolus meus Noachus is est, ex quo tamen nascetur, qui consolatur nos est ab opere nostro, à dolore manuum nostrarum de terra, cui maledixit Iehova. Et certe Noachus non sine causa præco justitiæ à Divo

2. Pet. 2. 5. Petro nominatur, quia impietatem hominum redarguit, Dei iram minatus est, & ad meliora cohortatus est, & quidem per tempus pœnitentiæ a-

Gen. 6. 3.
A. M. 1556.
Hist. Ecclesiastica
Gotb. p. m.
16.

gendæ annorum 120. concessum. Communis est opinio, Arcam quingentesimo anno ætatis Noachi, centesimo ante diluvium ædificari cœptam, irridentibus insanum, ut videbatur, pii viri conatum omnibus. Eodem tempore genuit Noachus Sem,

gloriosum, & magni nominis, Cham *Calidum vel nigrum*, Japheth, *dilatandum*. Non quidem simul tres illos

Gen. 7. 13.
Gen. 11. 10.

genuit, sed successive. Et licet ibi, sicut & postea, Semus primo numeretur loco, non tamen is primogenitus erat, biennio enim post diluvium demum centenarium annorum suorum numerum implevit. Chamum autem natu minimum fuisse ex Gen. 9. 24. constat. Relinquitur ergo Japhethum primogenitum fuisse, & incipiente diluvio centum annos explevisse. Et ideo ejus genealogia primo loco recensetur Gen. 11. 2. Quod autem Semus superioribus istis Genesios locis primo loco ponatur, id ob dignitatis factum est prærogativam, cum ille ad Genealogiam pertineret Abrahami, & Messiae. Vox ergo genuit accipienda est pro *gignere* cœpit, seu quingentesimo ætatis anno primum rei uxoriæ operam dare cœpit Noachus. Ipso vero, quo diluvium cœpit, anno, vitæ longissimæ tœdiis & afflictionibus exolutus est Mathusalah: ætatis suæ anno 969. quem numerum nullus unquam

Gen. 5. 25.
Gen. 5. 25.

mortalium est affecutus. Imo, quidam Rabbino-

rum

runi intra septem illos dies anni illius, qui inter ingressum in arcam, & diluvium interfuerunt, optimum hunc senem mortuum & sepultum esse memorant. Noachus vero Dei jussu arcam anno ætatis suæ sexcentesimo, & quidem mense ejus anni secundo, die decimo septimo Gen. 7. 10. ingressus est, cum uxore, & tribus filiis jam dictis, eorumque uxoribus. Porro, ut ratio mensum, quorum fit mentio in historia creationis, recte intelligatur, nomina singulorum suo ordine adscribam proratione anni sacri, 1. Nisan Martius. 2. Iyar Aprilis. 3. Sivan Majus. 4. Thamus Junius. 5. Ab Julius. 6. Elul Augustus. 7. Thisri September. 8. Marchesvan October. 9. Cisleu November. 10. Thebet December. 11. Sebat Januarius. 12. Adar Februarius. Sed tempore diluvii facer annus non dum fuit in usu, quippe institutus demum sub exitum Israélitarum ex Aegypto. Exod. 12. Ubi Moses Nisan primum menem in fastis suis ordinavit, servato tamen ritu pristino, quoad nundinationem rerum venalium, reliquamque dispensationem. Quia ante exitum Israélitarum ex Aegypto erat Aetanum, alias Thisri dictus, primus mensis anni. Et sic à primordio rerum, ad Diluvium, annos 1656. absolutos esse, ex Epilogismis annorum, quibus natalis & mors Adami, & posterorum ejus à Mose signata sunt, tam certum est, quām nemo haec tenus dubitavit. Cœpit igitur diluvium Neomenia Casleu, XXV. Phæophi Aegyptiaci, VI. Scorpionis, hoc est, aquæ incipientes crescere à XVII. Novembri, in XIV. Aprilis desiverunt, quod est intervallum CL. dierum, sed diluvium decem dies, ultra integrum annum duravit, quod ut demonstrari possit, sciendum est singulos menses

A. M.
1656.

Scalig. de
Emend.
Temp. lib.
5. p. m. 372.

ses solares eo tempore continuisse trigesos dies, quod apertissime ex hac diluvii historia constat: cœpit enim diluvium decimo septimo die mensis Secundi. Arca vero substituit 17. die mensis septimi Gen. 8. 4. hoc est, post intervallum 5. mensium, illud autem intervallum erat 150. dierum Gen. 7. 8. qui cum dividuntur, relinquuntur singulis mensibus dies 30. unde patet 40. illos dies, quibus cecidit pluvia Gen. 7. 17. istis 150. diebus annumerandos esse. Quibus exactis deficere cœpit aqua usque ad 10. mensem, Gen. 8. 5. hoc est, per dies 74. adeo ut vertices montium conspicerentur. Mansit autem Noach adhuc in arca donec exaruisse terra, usque ad 27. diem mensis secundi sequentis anni, Gen. 8. 14. hoc est, per quatuor menses, & dies integros 26. quibus si addentur quinque isti dies intercalares ex superiori anno residui, fient in universum dies 151. quibus exactis Noach cum suis arca egrediebatur. Gen. 8. 18. Mansit ergo Noach in arca 375. diebus, h. e. decem diebus ultra integrum annum. Ethæc est convenientissima Chronologiae ratio, quam mirum in modum turbarunt Græci, addentes annis singulorum propè Patriarcharum ante filiorum, qui recensentur, generationem, centenos annos: & totidem eorum ætatis detrahentes post generatam sobolem, ita tamen, ut summa annorum juxta Græcos excedat sumimam, in Hebræo codice contentam, 584. annis. Idemque postea factum in annorum suppunctione post diluvium usque ad Abrahamum. Et hic error iste apud Græcos invaluit, ut etiam in Eusebii Cronico videre est. Hujus discrepantiae meminit quidem S. Hieronimus in quæst. Hebr. sed nullam causam reddit. Augustinus vero lib. 15. de Civ.

Ters. Annot.
in gen. c.
5 p. m. 22.

de Civ. Dei c. 10. fatetur se diversitatis hujus rationem prorsus ignorare, & cap. 13. cum incredibile arbitretur, vel gentem Judaicam in suo codice, vel LXX. interpretes in sua translatione, vel voluisse vel potuisse conspirare in unum mendacium, potius errorem hunc tribuendum putat Librariis, qui l. 10. LXX. versionem primum exscripsérunt, præsertim cum ista versio manifestum & palpabilem contineat errorem, ex supputatione enim annorum juxta versionem illam LXX. interp. sequitur Mathusalem adhuc 14. annos vixisse post diluvium, quæ manifesta est absurditas, quod & ipse Augustinus isti LXX. versioni alias addictissimus, agnoscit, ut videre est ex ejusdem libri c. 11. Videntur de Diluvio notitiam habuisse Philosophi, aliquique Scriptores prophani, vel ex sacrarum literarum lectione, vel auditione ex famâ, vel Chaldœorum aut Ægyptiorum relatione & monumentis, ut ex Josepho, Beroſo, Eusebio, aliisque auctoribus probat Pererius l. 12. in Genes. De Cataclymso qui in Deucalionis tēpora incidit, mēto est apud Arist. Lib. I. Meteorol. c. 14. & quibusdam rationibus, cur factum sit diluvium, nec universale fuisse, demonstrare nititur; Certis quoque temporibus hujusmodi eluviones accidere necessarium esse asserit, lib. de Mundo c. 6. Cicero in somnio Scipionis. Plato lib. 3 de legibus celebre illud diluvium fuisse docet, sed montanos aliquos ferè Pastores in summis montium jugis evasisse, & velut scintillas generis humani conservasse. Lucianus in Timone, ejusdem Diluvii meminit (nam plura fuisse auctor est Plato in Timæo, Deucalionis nimirum in Thessalia, & Ogygis in Attica) sive naufragii Universalis: οὐτε τηλικάνη ἐν αἰαῖς χρόνον ναυαγία, ἐπὶ τῇ Δευκαλίων ὁ γένετο, οὐτε ὑπέρυχίων αἴσταντων καταδεικότων μόγη ἐν τοις

D.

xiβωτος

περισταθῆναι περούσειλαν τὸ λυχωρῖ ζωπυρὸν πὶ τὴν
αἰθέρων σπένατο διαφύλαττο. Hinc tantum repente,
Deucalionis etate naufragium exortum sit: ut omnibus
sub aqua demersis, vix unica scaphula servaretur, quæ in-
montem Lycorem appulit, humani generis quasi scintillas
quasdam servans.

Hujusmodi opiniones Poëtarum carminibus,
& juli Hygini fabulis de Deucalione, & Pyrrha
celebrantur. Sed nos clarioribus doctrinæ melioris
radiis illustrati, Cataclysmum, quō Deus humanæ
malitiæ ultor fuit, & homines iniquitate corrup-
tos, omnemque substantiam viventem ē terra de-
levit, usque ad animantia, à reptili usque ad volu-
lures cœli, solo Noacho cum familia incolumi, a-
pertis cœli cataractis, & fontibus abyssi, non ex solis
causis naturalibus provenisse, sed supernaturali
productum esse credimus: Continua pronominis
EGO repetitio Emphasin habet, quā ostenditur
Deum supernaturali ratione, diluvium orbis super-
inducturum. Noachici Diluvii tres causas attin-
git Philo Judæus l. 2. de vita Mosis, Senecam fecitus
lib. 3. de Nat. quæst. c. 27. qui paulò post quinque
causas effectrices diluvii ponit, non omnino impro-
bandas, juxta Benedictum Pererium lib. 12. in Ge-
nesin. Ante universalem mundi intimationem
scribit Genebrardus in sua Chronologia, unam
tempore Enos extitisse, quæ tertiam partem terræ
perdiderit. Diluvia in historiis commemorantur
plura, sed omnia illa naturalia & particularia. No-
achicum vero utpote non ex solis causis naturali-
bus, sed per Dei omnipotentiam factum, tam uni-
versale fuit, ut quindecim cubitis, omnes altissimos
terræ montes aqua excederit. Animalia vero
terre-

terrestria, & volatilia ex puris, sive victui, & usui
humano maximè idoneis animantibus septena, ex
reliquis bina tantum, mas nempe & femina, in
arcam fuerunt introducta, ut viverent Gen. 6. 19.
20. Pisces autem, quorum aqua proprium Elementum est, hoc remedio non indiguerunt, nec cum
Rabbinis aquas diluvii calidas, & ideo piscibus in-
ternecivas fuisse putamus. Duo vero potissimum
miranda sunt, circa hanc animalium conservatio-
nem: Primum quod, instigante Deo, arcam sponte intraverint, Dein, quod annum integrum etiam
carnivora ex pabulo à Noacho importato, com-
modè ali potuerint. Verum cum vis plantarum,
& ratio temperamenti animalium longè dissimilis
fuerit ante, & post diluvium, nulli mirum videbi-
tur, animalia, quæ nunc sunt carnivora, ejusmodi
ante diluvium non fuisse, sed ex herbis & fructibus
arborum eis naturalem fuisse cibum.

Ceterum, cum aquæ ad omnium maximam alti-
tudinem excrevissent, ventis area, ita Deo gubernante,
agitata, & summitatibus montium impacta, per-
stigit immota, inde etiam mensura XV. cubitorum,
quibus altissimos montes undæ superarunt, sumpta
est, nec enim bolide demissa altitudinem aquarum
alijs explorare Noach potuisset, cum omnia loca
aquis obruta essent, nec vestigium aliquod montis
extaret, & ipse, an in vallibus, vel montibus erra-
ret, vel qui mons altissimus esset, prorsus ignora-
ret. Arca igitur in montibus Armeniæ ita firma-
ta, mensuram illam aquarum præbuit, & vestigia
retinuit, quota sui parte aquis immersa fuisse. Sub-
stitut autem area, ut vult Scaliger, centesimo quin-
quagesimo die ab initio pluviae in uno montium

Ararat Armeniæ, qui mons à Jofepho Gordiæus
vocatur, & omnium totius orbis montium Celsissi-
mus putatur, post 40. dies, hoc est, n. die mensis
Noachus aperta fenestra arcæ emisit corvum,
quo statum terræ exploraret, cumque non redi-
ret corvus, cadaverum efi detentus, columbam
emisit, quæ locum ubi subsisteret non inveniens,
ad Noachum redit. Cumque expectasset ad-
huc septem dies, iterum emisit columbam, quæ
vesperi ad eum reversa rostro suo folium olivæ
tulit: unde novit aquam jam defecisse, deni-
que, expectatis & aliis septem diebus,
eandem emisit, quæ reversa non est.

